

ՄԵՆ ՅՈՒԲԵԼԵԱՆԸ



ՄԱՅՐԱՔԱՂԱՔԻՍ ՄԷՋ

Յօրեկանական կեցր. Յանձնախուրը Մեն Յօրեկանին ժամին իր կազմած ծրագրեր Ազդ. Վարչութեան վաւերացման ենթարկած ըլլալով Սառն ժողովը երէկ նկատի առաւ զայն և վաւերացուց մէկ մասին յապաւուսովը: Վարչութիւնը պարագաներու բերումով յարմար չգտնելով ջնջեց ծրագրին թափօրի և գիշերային ջանազնացութեան մասերը: Որոշուեցաւ պաշտօնագիրով մը զիմուս կատարել անմիջապէս պատկանեալ պաշտօնատան մօտ և հրահանգ ուղղել տալ ոստիկանութեան որ ուրբաթէն մինչև կիրակի գիշեր տեղի ունենալիք հանդիսութեանց և կատարուող հանգանակութեան ղէմ արգելքներ չյարուցուին և միջամտութիւններ չըլլան:

Այս առթիւ որոշուեցաւ որ հանդէսներուն մասնակցին իւրաքանչիւր վարժարանի բարձրագոյն դասընթացքէն Յակնան աշակերտ: Հանդէսին պիտի հրաւիրուին բոլոր նախարարները և պետական բարձրաստիճան պաշտօնատարները: Հանդէսին նպատակը բացատրող զրքով մը պիտի հրատարակուի:

* Նէնի Գաբուի Թաղ. Խորհուրդը թաղին երիտասարդութեան հետ միացած մեծ Յօրեկանին տօներուն առթիւ կազմակերպած է կարգադիր Մասնախումբ մը որ մեծ փութով գործի ձեռնարկած է յիշատակելի փայլ մը տալու համար տեղական հանդէսին: Եկեղեցական հանդիսաւոր արտօրողութենէ վերջ հաւաքոյթը տեղի պիտի ունենայ Գարեգին աղայի ծովահայեաց մեծ պարտէզին մէջ. պիտի աւենախօսէ Տիար Հմայեակ Արամեանց: Օր. Ազնիւ Սերոբեանի ընտրեալ նուագախումբը մէջ ընդ մէջ պիտի նուագէ ազգային և եւրոպական նշանաւոր կտորներ. եկեղեցական ու ուսուցչական ու զպրաց դասերէն ներկայացուցիչներ խնամուած ձառեցով պիտի մասնակցին, և արական երգչախումբ մը եւս պիտի երգէ: «Շարժում» լսարանական միութիւնը գեղեցիկ թատերախաղով մը զուարթութիւնը պիտի աւելցնէ: Իսկ ի նպաստ կըրթական հիմնախումբ, կարգադիր մասնախումբը Ս. Սահակայ և Ս. Մեսրոպայ մեծադիր պատկերները գեղարուեստական և խնամուած տպագրութեամբ ընտիր թուղթի վրայ միացնելով պիտի բաժնէ հասարակութեան, ստանալով նուէրները:

ԳԱՒԱՌԻ ՄԷՋ

ԶՄԻԹ, 1/14 հոկտ. 1913

Հայկ. տառերու գիւտին 1500 և տպագրութեան 400ամեայ համազգային մեծ յօրեկանը վայելուչ հանդիսաւորութեամբ տօնելու համար քաղաքիս մէջ ևս Բարեգրծ. Ընկերութեան նախաձեռնութեամբ կազմուած է Յօրեկանական Յանձնախումբ մը, երկոտասնեակ մը անդամներէ բաղկացեալ:

Կը տեղեկանամ թէ յիշեալ յանձնախումբը իր առաջին նիստին մէջ որոշած է ամօռոյս 13ի կիրակուին սարքել լսարան-հանդէս մը ազգ. նորաշէն թատերասրահին մէջ, ուր խօսելու պիտի հրաւիրուին հայ յարանուանութեանց ներկայացուցիչներ, ազգ. վարժարանի ուսուցչական խումբին մէջ անդամը և ժողովրդեան կողմէ ձեռնհաս անձնաւորութիւններ: Կը լսեմ նաեւ թէ Յանձնախումբը զպրոցական Ֆօնսին ի նպաստ գաւառիս մէջ հանգանակութեան մը ձեռնարկելու ծրագրին ալ մշակել առաջադրած է:

Այս առթիւ թերեւս աւելորդ չպիտի ըլլայ շեշտել որ հակառակ Ազգ. Պատրիարքարանի կրկնակ չըջաբերականներուն, տեղոյս ազգ. պաշտօնական մարմինները կը մնան անտարբերութեան և լուռ հանդիսատեսի դերին մէջ, և անհիմն ապրկութիւններով կը վարանին վաւերացնել վերոյիշեալ Յանձնախումբին կազմութիւնը: